



BASES DO PROGRAMA CONCILIA 2022

1. Obxecto

O Programa Concilia 2022, é unha iniciativa de atención á infancia que ofrece aos pais e nais a posibilidade de que os seus fillos e fillas nas datas de vacacións de verán: xullo e agosto, poidan optar a esta proposta que se pon en marcha dende o concello de Vila de Cruces para facilitar a conciliación entre a vida laboral e os cuidados dos menores.

2. Persoas beneficiarias

Poderán ser beneficiarias deste servizo aquelas persoas que teñan fillos/as con idades comprendidas entre os 3 e os 12 anos.

3. Desenvolvemento das actividades

A actividade desenvolverase co seguinte cronograma:

1. QUINCENA: do 4 ao 15 de xullo
2. QUINCENA: do 18 de xullo ao 29 de xullo.
3. QUINCENA: do 1 ao 12 de agosto.
4. QUINCENA: do 16 ao 26 de agosto.

En cada unha das quincenas haberá dúas quendas:

- 1) QUENDA: horario de 9.00 a 14.00 horas
- 2) QUENDA: horario de 10.30 a 14.00 horas.

Lugar: a recepción e recollida de participantes realizase no pavillón municipal de deportes.

As actividades realizaranse nas seguintes instalacións: pavillón de deportes, recinto colexio Vila de Cruces, parque xunto á Residencia de maiores, auditorio Xosé Casal, piscina municipal, zonas exteriores próximas ao pavillón.

Transporte: Nesta anualidade 2022; presentamos á opción de transporte para os/as nenos/as que sexan admitidos/as no campamento de verán. No caso de solicitar este servizo terán que escoller o horario da 1º quenda de 9:00h a 14:00h; dependendo das solicitudes de transporte que haxa comunicáraselle ás familias solicitantes o lugar das paradas e o horario no que recollerán e deixarán aos nenos/as tendo que estar en todo momento un dos proxenitores/titores legais para a recollida dos mesmos. *Terá que haber un mínimo de 10 solicitudes de transporte para que se poida prestar este servizo.

4. Solicitudes

Concello de Vila de Cruces

Praza D. Juan Carlos I, Vila de Cruces. 36590 (Pontevedra). Tfno. 986582017. Fax: 986582492





A solicitude presentarase no formulario normalizado que figura como solicitude do Programa Concilia 2022, e que estará dispoñible nas dependencias do Concello, ou na web www.viladecruces.es.

Documentación complementaria necesaria para a tramitación da solicitude.

As persoas interesadas deberán achegar coa solicitude a seguinte documentación:

- a) Fotocopia do DNI do/a pai/nai ou titor legal.
- b) Copia do libro de familia
- c) Copia da sentenza de nulidade, separación ou divorcio; ou da resolución xudicial que estableza as medidas paternofiliais dos fillos e fillas comúns nas unións de feito e /ou do convenio regulador, de ser o caso.
- d) Certificado de monoparentalidade expedido pola Dirección Xeral de Familia, Infancia e Dinamización Demográfica da Consellería de Política Social, de ser o caso.
- e) Copia da Declaración da renda das persoas físicas do ano 2021, que compoñan a unidade familiar.
- f) Certificado de traballo, copia da última nómina, etc, que xustifique a situación laboral do pai e/ou a nai no caso de traballadores por conta allea.
- g) No caso de autónomos, certificado de alta no Réxime Especial de Traballadores por conta propia ou Autónomo ou último recibo de pago.
- h) Informes médicos das persoas proxenitoras que estén de baixa por enfermidade ou maternidade, que xustifiquen a imposibilidade de atender aos seus fillos/as.

O Concello comprobará de oficio o empadramento dos participantes e dos seus proxenitores.

As persoas interesadas responsabilizaranse da veracidade dos documentos que presenten.

5. Lugar e prazo para a presentación das solicitudes.

O prazo de presentación das solicitudes será **dende o 6 de xuño de 2022 ata o 20 de xuño de 2022.**

As solicitudes poderanse presentar presencialmente no rexistro do Concello ou a través

Concello de Vila de Cruces

Praza D. Juan Carlos I, Vila de Cruces. 36590 (Pontevedra). Tfno. 986582017. Fax: 986582492





da sede electrónica.

Haberá prazas limitadas.

6. Prezo

O prezo do programa será o seguinte:

1º quenda: horario de 9.00 a 14.00 horas: 30 euros por quincena.

2º quenda: horario de 10.30 a 14.00 horas: 20 euros por quincena.

Transporte: 5 euros por quincena.

O pago efectuarase no número de conta habilitado polo Concello de Vila de Cruces unha vez confirmada a admisión do participante. No caso de non formalizar o pagamento no tempo e forma indicados producirase a baixa no programa.

7. Procedemento de concesión de prazas.

Se do exame do expediente se comproba que a documentación non reúne os requisitos necesarios, é insuficiente ou non se achega na súa totalidade, faráselle un único requirimento ao solicitante para que, nun prazo de 1 día hábil, enmende a falta ou achegue os documentos preceptivos con indicación de que se así non o fixese se terá por desistido da súa petición.

Na selección terase en conta o nivel de renda da unidade familiar e deberá darse prioridade ás persoas participantes con menos ingresos. En todo caso, terán prioridade as persoas participantes cuxa unidade familiar teña ingresos non superiores a 6,5 veces o indicador público de renda de efectos múltiples 2021 (IPREM), límite que se incrementa nun 15 % máis cando se trate de familias monoparentais ou de familias numerosas.

A concesión de prazas efectuarase entre as solicitudes presentadas que reúnan os requisitos establecidos segundo o seguinte orde de preferencia:

1º.- Nenos/as que estean empadroados no Concello de Vila de Cruces con alomenos un dos seus proxenitores.

2º.- Que ambos proxenitores estean realizando unha actividade laboral ou profesional remunerada ou cursen estudos. No caso de familias monoparentais, que o proxenitor realice actividade profesional. Inclúranse as persoas proxenitoras que estean de baixa por enfermidade ou maternidade e xustifiquen a imposibilidade de atender aos seus fillos/as no horario establecido para a prestación do servizo.

3º.- Menor nivel de renda familiar.

4º.- Nenos/as que un so proxenitor estea traballando.

5º.- Menores cuxos proxenitores non exerzan actividade laboral.

Concello de Vila de Cruces

Praza D. Juan Carlos I, Vila de Cruces. 36590 (Pontevedra). Tfno. 986582017. Fax: 986582492



Cod. Validación: 7476R99GK939NMJ4X9Z5F4KC4 | Corrección: <https://viladecruces.sedelectronica.es/>
Documento asinado electronicamente desde a plataforma xestiona esPublico | Páxina 3 a 4



6º.- Menores non empadroados en Vila de Cruces.

8. Publicación da listaxe de admitidos/as no servizo.

A listaxe de admitidos/as publicarase no taboleiro de anuncios; no facebook e na web do Concello de Vila de Cruces.

9. Revogación do servizo.

Perderase a condición de beneficiario/a:

- a) Por falta de pagamento no prazo sinalado.
- b) Por renuncia do beneficiario/a comunicada por escrito.
- c) Por incumprimento das normas que establece o servizo.

10. Protección de datos persoais

Os datos persoais recadados neste procedemento serán tratados, na súa condición de responsable, polo Concello de Vila de Cruces coas finalidades de levar a cabo a tramitación administrativa que se derive da xestión deste procedemento.

11. Información COVID-19.

As prazas son limitadas.

Redactarase un protocolo para levar a cabo as medidas de hixiene, desinfección, e normas de funcionamento para salvagardar a saúde dos participantes e dos monitores.

O DESENVOLVEMENTO DESTE PROGRAMA ESTA SUPEDITADO Á EVOLUCIÓN DA PANDEMIA DA COVID-19 E ÁS MEDIDAS E RESTRICIÓN S QUE AS AUTORIDADES SANITARIAS DITAMINEN.

Asinado. Luis Celso Taboada Sánchez

Alcalde

DOCUMENTO ASINADO ELECTRONICAMENTE Á MARXE

Concello de Vila de Cruces

Praza D. Juan Carlos I, Vila de Cruces. 36590 (Pontevedra). Tfno. 986582017. Fax: 986582492



Cod. Validación: 7476R99GK939NMJLX9Z5P4KC4 | Corrección: <https://viladecruces.sedelectronica.es/>
Documento asinado electronicamente desde a plataforma xestiona esPublico | Páxina 4 a 4